

心知堂詩稿卷五

出棧集上

起甲子十一月造十二月道上作

初發華陽

玉壘峰高雪壓天
我行重著祖生鞭
題橋豈必誇今日
賣賦何因比昔賢
廣漢染衣塵似雨
華陽回首樹如煙
雲山萬疊詩千里
指點長安在日邊

駟馬橋昔年與馬易之別處

昔日赴長安
臨歧酌我酒
今日赴長安
不復執君手
生者勞未休
死者嗟已久
悲風淒以動
吹折舊楊柳

楊升菴先生墓

心知堂詩稿卷五

出棧集上

一

連蜷雙桂幾經秋
故國猶傳正首邱
賈誼有才餘慟哭
屈平無地著離憂
淋漓血肉金門杖
冷落丹鉛瘴海樓
空使九原聞赦詔
泰陵風雨阻中州

姜士遊故里

地名沈鄉里

突地滄甘泉
泉中躍雙鯉
春暉無恙草
心喜至今斷碣埋
荒煙父老尙說沈鄉里
嗟我早懷風樹悲
到此踟躕淚無已

龐靖侯墓

漢上推佳士
軍謀亞武侯
偶因天下事
不作鹿門遊
舉酒陳三計
揮戈闢益州
蕭蕭松檟裏
馬鬣已千秋

雞鳴橋

雞鳴橋上一聲雞滿地寒煙月墮西安得盡煩公遠祝
金雞都不夜中啼

抵綿州

青山千疊繞綿州匹馬平沙古渡頭一桁紅雲秋遠近
芙蓉溪上越王樓

魏城驛用羅江東韻

揖別鄉園作遠遊芒鞋布襪一身秋當關馬踏雲中驛
隔岸人登畫裏樓山勢天包從北轉水聲風捲向西流
離愁別恨知多少不望綿州望益州

入棧

試險初乘興人如叱馭豪平林斜日遠匹馬亂峰高古
洞風悲嘯寒溪水怒號行歌聊自慰嵐翠滿征袍

七曲山

看山山欲高游山山欲曲紆迴殊不知步步上空綠却
顧所來徑何處初著足參差峰勢離錯折嶺相續造化
鑪冶奇搏雲成結束隱然應六星卓哉出五嶽念我非
姚萇如意不能握徘徊石盤陀天風聲謾謾

武連驛用陸放翁韻

蜀道前期又後期文章得失總難知三秋客思連雲棧
萬里鄉愁兩鬢絲殘照滿衣歸店早亂山圍夢到家遲
雞聲未唱人爭起可似金門射策時

劍南古柏行

蜀材輪囷備世用參天拔地皆梁棟江漢清流灌漑長

岷峨奇氣本根重歷代鍾毓如鄧林別幹分枝難悉誦

尊榮最著東西漢繁蔚競傳南北宋生機掃地成劫灰

崇禎年間有餘慟黃面黑心張獻忠獻賊為本朝肅親王所戮剖其心黑而方云

嗜殺自古無人同跳盪橫刀恣屠戮東川西川人煙空

碑板鏟字快椎鑿神佛墮淚愁傾鎔獻賊所過凡碑版之有年號者鏟去神佛之石

像者斷脰銅像者傾鎔之諸像有先期墮淚者狠怒狂暴到金石豈有喬木逃兇鋒

憶從柏灌嗣帝業栽培萌蘖開鴻濛武鄉桑園文憲桂

綏山桃樹靈巖松杜老甘林西灤畔白傅柳枝東澗中

霜冷雲安橘官綠暑熱涪州荔子紅橙木干章竹萬个

緣江背郭圍芙蓉兵火所過更何見赤地兀兀山童童

如何獨宥劍南柏一路扶疏連梓潼西朝太祖有湯沐

翦伐不到神之功獻賊曾封梓潼神為太祖高皇帝迴翔映日下鸞鳳天矯

出海騰蛟龍修鱗奮怒排大翻併作一氣雲濛濛翠影

不斷三百里先輩典刑只剩此樹人樹木將毋同請問

劍州李刺史柏為前明正德中刺史李壁所植

出劍門

連山西南來有如萬馬奔又如千頃濤一氣瀉中原五

嶽走相讓壓斷江河源上帝呼巨靈舉掌排雲根其勢

不可遏壁立飛上天鋒鏃各呈露排列何森然逼刺漏

天破高撐銀河穿萬古逗秋雨蜀坂聲綿綿而我騎驢

至欲出愁無門迤左堵女牆迤右拖崇垣哈呀裂一隙

鑿破東西川突有偃月峰彌縫相鈎連偏仄一身過陰
森白晝昏時恐兩山合難招石中魂閣上風鈴語關前
秋戍屯陡下五千級決皆空風煙對面如屏障惟有小
劍山拊膺試回首細路餘盤盤日氣穿峰墮翠影摩雲
寒壯哉形勝地割據凡幾人上邇公孫迷下逮明玉珍
坐井以自大接踵揚降旛恃險竟何濟安邊良獨難

小劍山

只疑雲欲飛不知山勢峭瀟洒出清挺孤立更娟妙銀
漢淬寒鋒銳利不可鞞劃破漏天漏媧皇補不到絕壑
凝元陰萬古雪如縞自從天地開日月光未照山鬼與
木客隱隱雜啼笑安得壁上行絕頂訪祠廟

山頂有武
侯祠字

牛頭山

言上牛頭山山勢俯尻脊攀陟如登梯詰曲千百尺不
知所歷高雲氣生兩腋絕頂開危樓山僧慰行役小憩
臨軒窗縱目動魂魄茫然失天地上下皆青碧低頭不
敢仰恐觸五色石欲問嘉陵江煙中一痕白

桔柏渡

夙聞桔柏江今過桔柏渡水落不容篙蕭蕭秋滿樹低
何想陳迹直與古人晤道重葛仙翁孝欽廉叔度亦有
何易于署笏長官怒當時偶然事千載有餘慕落拓役
微名此行本已誤願言將我心一爲濯寒素

皇澤寺望武后比邱尼石像

女媧雖稱氏竹書虞浩汗呂雉雖臨朝未敢改爰漢自古化雞晨無如武嬰亂居然南面尊不肯垂簾幔毒手逞奇心雄才肆淫篡始生傳此地望氣有人嘆混跡緣感業託佛更驕悍詭號詛金輪鑿像大江岸徧袒露袈裟兜羅手垂髻千年波浪餘瓔珞尚明爛得毋妖氣憑不隨雲雨散吁嗟懷五龍當時戡大難

飛仙閣

關門雲外開天梯十萬丈我欲問仙人如何頓飛上化鶴不歸來後人但想像石壁餘紅霞高擎巨靈掌好花不知名彩錯緣厓長峽口生寒濤江流多跌蕩惟應羊模谷仙隣各憑仗

千佛巖

誰撮恒河沙幻成千萬身紛然天外至雲立空江濱石髮雨中亂苔衣風後斂圓光日隱見五色騰迷津欲問無生力慈航拯幾人惟傳韋刺史斧鑿能通神豈不識荒誕婆心緣愛民從知摩崖跡一一甘棠春我願將斯意廣爲循吏陳徘徊更瞻眺上馬辭嶙峋

朝天關

上山如上灘肩輿學舟簸作勢升層梯不復得平安僕夫汗交流旅客心欲墮一步一聲上直到雲中坐回頭駭來途慰勞相爾我時清罷邊戍關城餘粉堞縱然行路難幸無盤詰瑣古來形勝地南北爭關鎖惆悵復如

何秋風吹劫火

嘉陵道中

數疊秋山青欲合一江流水碧無聲分明身在嘉陵道
卻似吳生畫裏行

捫參歷井上嶙峋屐齒雙雙日苦辛九十九峰江上路
低頭羨殺放舟人

秋風如掃夕陽開旅客懷鄉首重回不道嘉陵三百里
好峰時爲破愁來

層層雲樹湧青山到眼眞忘蜀道難我自記詩人記畫
俱無粉本赴長安

龍洞背

潛水所經

心知堂詩稿卷五 出棧集上

六

怪底雲滿衣行人在龍背縱馬蹴石鱗四蹄電光碎時
恐眠龍醒翻身落雲外銀漢從天來一瀉如縞帶蜿蜒
蟠其衝勢欲障使退萬箭森濤頭怒水轟不耐得竅貫
龍腰雷霆走腹內繞腸奔尾間泄想飛泉大偉哉神禹
功疏鑿此爲最西由晉壽至東與嘉陵會中間穿長竇
潛湍竟無礙扁舟倘可入曲折窮幽怪

七盤關

川陝分界

隘地從誰闢雄關自古聞門開天上戍路接隴頭雲兩
水迴環合千山向背分憑高尋戰壘昨日靖妖氛

寧羌州道中

炊煙寥落客心驚百戰瘡痍尚未平滿岫白雲飛去後

人家指點避兵城

一箭寒綠渡平津黯黯孤城地入秦殘雪半山消不得
都如明鏡照行人
芒鞋踏破亂雲堆只似遊仙夢未回盡日隴頭逢驛使
梅花何處寄春來

嶓冢山見漢水發源處

我昔浮襄陽連天皆秋水帆影如飛雲出沒浪花裏及
茲嶓冢遊尋源數千里山腹噴寒泉不盈一掬耳河從
荷精發江亦濫觴始由來世間事都自毫末起壯志嗟
吾曹頭顱尚如此凌海問蓬萊何時騎赤鯉

滴水巖

一徑多幽篁輕煙濕峭阪人行蒼翠中颯颯秋意遠忽
聞風雨聲掉頭驚睇眇誰傾萬斛珠錯落岡頭轉破壁
流涓涓穿雲滴激激百尺水晶簾空明垂不捲巉巖懸
鏡中石髮如絲軟惜未爰蒸時來茲松下飯安得愚公
移不用并州翦

五丁峽

漢水所經

我家上清峯來從青天上手捫參井光四顧神何王訇
然開劍門羣山綠如浪十日披煙嵐所至意皆當打頭
橫絕厓忽與行人抗引領千仞高不辨峯背向捲地生
潮聲滔滔水名漾策馬隨飛湍始見峽門壯砮厓裂蒼
玉一隙露開放螺旋而蟻穿怪石相偎傍就下稍寬平

江流不肯讓摩空揚巨刃五丁殊奇剋想當開鑿時風
雷爭簸盪美女顏妖嬈金牛氣悽愴試問商周前飛越
更何狀

諸葛忠武侯墓

草廬三顧許驅馳百代推爲帝者師學繼孔顏知大德
才方伊呂惜非時生能伐賊功偏斬死不還都志可悲
斜日沔陽墳四尺陣雲長護古松枝

自沔縣至褒城道中

輶車盡日走間關望遠峩眉夢不還一握煙鬟輕墮地
捲簾欣見女郎山

黃沙驛裏一枝梅漠漠寒雲凍不開爲問畱仙橋下水
可曾風雨鶴歸來

心知堂詩稿卷五

出棧集上

八

百尺孤城落日寒長風捲地雪闌干韓侯略定三秦後
更有何人上將壇

雞頭關

前日辭南棧昨日走平浦茲復凌高岡倍有登陟苦攜
手成魚貫牽衣學猿舉細路不盈尺怪石相撐拄對面
有人來一穴鬪兩鼠盤空摩絳幘足下雲如乳雷響歘
奔騰變作迎頭雨草木搖天風蕭蕭雞振羽倘其昂首
鳴誰當長袖舞攀躋誠已難陡下勢猶阻絕壑沈蒼煙
七盤紆可數兩手持懸縋耳目皆無主十步移一梯臨
踏復延佇有若灘上船稍縱不知所直從朝日升磨旋

到亭午軒然落平曠環環腰尚僂不敢回頭看拊膺息
如縷

觀音碓

甕裏嵌天光四圍是積鐵我從壁上行盤空數十折嵯
岬千丈峰突如雲出穴猿猴失攀援鷹隼愁飛越堂堂
賈中丞手持天上節縱火燒砵厓橫腰鑿一缺怪石當
人頭補天懸破裂頽霞飛不去丹嶂捫猶熱飛瀑濺石
梁浪花凍成雪流爲百丈潭無風自澄徹山迴人亦轉
劃然風景別歲晚行路難吁嗟心兀兀

畫眉關

巉巖峭壁石斑斑詰曲羊腸挂一彎殘月已過叉手鋪

心知堂詩稿卷五

出棧集上

九

曉煙初上畫眉關窮愁逐客如流水好夢還家隔亂山
寄語隴頭西去鳥爲言人在翠微間

畱侯辟穀處

無雙才識一人全詭託神仙莫更論林下赤松原不老
橋邊黃石也能言還山略帶英雄氣入世先知禍福門
可惜淮陰未聞道弓藏鳥盡漫呼冤

報漢心原似報韓天教多病不持權同雲已免直龍忌
辟穀翻承野雉憐燒棧三秦歸掌握還朝四皓侍班聯
無須更問飛身法事蹟當年半近仙

心紅峽

白日隨人行掉頭時復見入峽忽相別惟露天一綫兩

厓歆欲合石壁多怪變十幅翡翠屏百尺芙蓉劍蒼玉
剖皴皴白雲逗崩散光明標赫霞皎潔凝素練奇鬼怒
將奔美人春欲倦設色紛天然應是女媧鍊上有諸峯
高離離時隱見水花亂開落瀑流爭絕澗洞口秋猿啼
枝頭暮鳥怨何當椎鑿寬往來秦蜀便

鳳嶺

南棧跨龍洞北棧凌鳳州修坂撒鳳尾高岡昂鳳頭翠
嶂銜鳳唳丹穴開鳳眸鳳鳥不復至聲寂三千秋餘此
好山色褒斜無與儔秦雉蜀杜宇割土鳴鈎朝豈不矜
觜爪見此俱含羞新莽如鷲鴒隋煬如鶴鷗羽儀亦偶
託仁暴不相侔離奇更變亂牝朝唐改周鸚鵡肆殘啄
黃臺瓜不畱文王倘在上隱爲後世憂岐南最高峻况
有山上樓去天只一握誰言尺五修德輝覽千仞願下
虞廷游

夜抵黃牛鋪度歲

今年夜半終行人行未已明年夜半來行人行又起春
風吹不到一片亂山裏

益門鎮

失喜羣山盡崎嶇昨日勞眼前秦塞濶頭上蜀天高古
堠通征騎雄關亞百牢時清無內外不帶赫連刀
送險首重回飛雲一萬堆路從天上落人自石中來叱
馭懷前事聞雞想霸才數聲輕喚渡渭北夕陽開

心知堂詩稿卷六

成都汪仲洋少海

出棧集下

起甲子十二月迄乙丑正月道中作

宿岐山

莽莽黃沙外孤城落照昏
民風多板屋廟祀肅姜嫄
信宿人千里消寒酒一樽
欲尋鳴鳳處衰草滿周原

武功雜咏

旗毛雪窖性情真五字河梁格調新
脫盡節旄還贈別從來風義屬詩人

鼓琴吹笛坐高堂一代通儒學老莊
鄧隲雖亡梁冀在平生絳帳出椒房

心知堂詩稿卷六

出棧集下

一

舛將夫壻喚佳人悔過何須爲織文
得婦艷稱蘇蕙子解詩誰似竇將軍

唐宗故宅屢開筵昔樹今花句欲仙
不向風雲思壯士人傳褒鄂在凌煙

對山救我聲猶在更有何人救對山
不學王維討官做琵琶風調自珊珊

班家臺

老父識王命一家堂構開邊功探虎穴
史筆著蘭臺草檄北庭去封侯西域回
居然增志表女子亦雄才

伏波村

受讀齊詩義早通不將章句悞良工
生稱國士慙朱勃

死嘆神人惜呂種畫虎誠言家學在明珠蜚語賈胡同
據鞍忘却少游語矍鑠漢廷嗟是翁

說客遨遊二帝間擇君能復五銖錢平生策畫堆山米
畢世功名墮水鳶虜懾先聲空上谷蠻爭險道滯炎天
雲臺却被椒房誤孤負沙場裏革還

登西嶽廟萬壽閣望嶽作

一朵蓮花一朵煙三峯空翠湧娟娟嘶風石馬秋窺野
帶雨茅龍晝上天白帝西臨何處盡黃河東去幾時還
高樓正對雲臺觀蠟屐思登萬仞巔

五嶽分方鎮兩間此山西去更無山仙人掌上金天迥
箭括門中玉女閒日落河聲來積石雞鳴海色度函關
蒼茫拄杖秋風裏欲向鴟夷問駐顏

郭汾陽王故里

北掃胡塵西吐番倉皇受命輒回天平生至性基奇福
萬死殊勲享大年侈過桓文餘器量誠通蠻貊卽機權
誰知廿四中書考不在班書百一篇

史稱李光弼能讀漢書

潼關道中

枝頭宿鳥夢初闌馬上征人不肯閒半夜煙雲過華嶽
平明風雪出潼關那無膽畧請纓去可有功名捫蝨間
京洛不遙鄉國遠幾回低首撫刀環

潼關弔孫尚書傳廷

劍門旁徑名來蘇潼關要隘在禁谷

一名禁坑又名禁溝在關南三十里

險地

漏罅誰彌縫黃巢既過李闖續揭竿初屬高迎祥黑水
之戰何披猖渠魁生致衆殲盡可惜獨眼逃鋒鏑潼原
合勢蹙餘孽重重獵射圍天狼紛拏跳兔免十八騎游魂
竄伏號金創是時陝撫孫伯雅邊才籌略直堂堂羣賊
破散如風雨河南惟剩左金王總理東擊我西擊廓清
計日銷機槍縱賊偏遇熊文燦誤國正逢楊嗣昌機會
蹉跎事勢變大計不得陳清燕思歸傲吏詠新詩喉黨
奸人修舊怨奇冤待決未行刑急難迴心忽召見項城
既歿傅昆明襄城又失汪歲星兩大敗後再持節山河
破碎民彫零甫議屯田值荒旱創製火車抽壯丁縉紳
憤怨昧遠慮朝廷誚讓催專征毓峒抗疏邱瑜諫倉卒

自欲隳長城項背相望使者逼風雨不斷從軍行七省
督師何所統除却降賊是新兵徒以忠義相感激唐縣
寶豐相繼平擊斷賊纛執之舞軍前幾獲季自成天不
祚明乃宥賊連旬雨甚戰不得還師未肯遠迎糧破邲
誰知虛就食萬幕沈竈斷炊煙諸將相看盡菜色壓壘
致寇由輸款量沙作米詎誤敵饑驅那得整軍退枵腹
猶能返旆擊餘勇推倒三堵牆陣後驚呼忽敗北跳身
泥淖渡河走依稀又似柿園役欲守西安但守關如何
間道忘南山腹背夾擊自奔潰豈必纛旗來賺門橫刀
大呼歿賊陣馬革裹屍何日還從死或言楊大令

紀事本末言公

退屯渭南而死知縣楊

賈破執不屈亦死之

徇難不獨喬叅軍

鐵門題壁

道出崤函一綫賒昏昏雲樹接平沙中原地讓黃河潤
萬里天連白日斜買就壺漿如得歲到來村店似還家
誰憐夜半當頭月不待聞雞又上車

洛陽懷古

東都橫據陝之東百二重關半此中試看秦師違蹇叔
纔知周制要姬公霸圖每苦崤陵塞王者惟言貢道同
伊洛澗渥依舊在明堂何處配維嵩

紛紛耳食咎東遷敗局猶支五百年拒楚尚能畱九鼎
畏秦何事獻三川萇宏化碧空傳異柱史騎牛竟不還
地險無餘天命改孱王孤坐翟泉邊

心知堂詩稿卷六

出棧集下

四

威儀重見漢旗旌白水真人厭用兵不屈嚴光培氣節
褒封卓茂致昇平傳家大度符高祖突地中興住洛城
却爲班張添藻采東都賦罷賦東京

當塗未代漢先衰厄劫重從十世推國威勢微鈞黨起
中官數盡外兵來移都豈爲石苞讖受禪何須諸葛才
頗怪爰劉廿四帝青蛇收運白蛇開

不諡文皇諡武皇千秋篡漢付先王全收璽綬辭疑塚
別啟宮庭赴洛陽混一無才天塹險猜嫌太過豆其傷
平生典論誇奇作火布西來貢上方

青頭雞謎聽難真詠到潛龍倍愴神志在少康圖舊物
迹同衰魯鬪強臣探懷出版今何日犯蹕抽戈大有人

差勝南郊尋故事山陽接踵又虞賓

三馬同槽典午興羊車天子愧桓靈儲宮聖質如淳古
佐命蒼生有寧馨蓴菜鱸魚人欲去銅駝荆棘嘆誰聽
司空博物渾無用不省中台夜望星

初緣悍婦築金墉忽爲奇勳念若翁骨肉驅除由賈郭
防維壞盡引淵聰入王構難散河上五部乘虛屯洛中
慨息青衣行酒日柘弓銀研語恩恩

禁除北語出平城僞伐南朝駐洛京井廩餘生同帝舜
遷移大計類盤庚臨江數罪軍容整下筆爲文典冊成
經緯燦然殊不愧當年治譜在均誠

邗連池畔聽簫箏鐵騎如雲下晉陽樂衍迴波爭躡地
舞翻敕勒逼名王河橋渺渺沈靈后卜像匆匆立孝莊

遍索禪文誰應諾千牛刀上血花涼

月下常歌清夜曲洛陽虛築顯仁宮龍旂撻伐三邊倦
水殿嬉游萬里通滿貯厥倉資李密遙分義旅屬唐公
關西裔派餘疑竇不引蛇鱸祀祖功

骨醉餘魂崇有無生天彌勒徒神都龍蔡轉復周家社
燕啄猶畱漢代孤幸藉舊臣扶羽翼驚聞二豎斫頭顱
如何一樣房中曲譜入桑韋調更殊

元元皇帝廟榛蕪漫道陪京佳氣無絃管傷心王給事
旌旗變色李司徒中興功業資讒口三等科條赦病夫
記否翠華巡幸日銅駝街上立天樞

銀槓畫地閉垂旒鐵騎勤王發汴州但怨宇文爭拓跋
誰招董卓劫陳畱深宮酒態還如昨繞柱刀光未肯休
凍雀原知生處樂可憐羅網誤輕投

揭竿初起屬黃巢篡取西京著赭袍有子還如安慶緒
其人本似董臨洮纔聞伯氏投瓊罵又見昭宗繞柱刀
應是然燈能乞福焚尸未得掘腥臊

墨經從軍本晉風錦囊盛矢起河東生來將種才無敵
命拒伶官氣不雄樂器殉身眞解脫酪漿療渴太朦朧
金錢祝髮難逃劫姦女應慚數未工

十載車書不改唐無私大度夜焚香誰知魏縣廻征旆
已爲陳橋作濫觴除惡應慚安重誨辭官頗怪范延光
潢池盜弄更番異畢竟從珂本姓王

心知堂詩稿卷六

出後集下

六

洛陽陳跡足低徊元祐纔過紹聖來獨樂園中棋局變
天津橋上杜鵑哀通天理數推皇極蓋世功名署黨魁
剩有劫灰春色在年年依舊牡丹開

孟津渡河

誰將銀漢瀉崑崙九曲風濤漸不渾龍馬千年開北戒
乾坤一綫劃中原當時白壁沈秋水隔岸青山近孟門
便欲乘槎天上去支機摩訪舊題痕

清花鎮

田疇如掌水平鋪遠望春山淡欲無十里竹煙青不斷
錯疑歸夢到成都

大風至衛輝

萬里風揚塵黃雲昏一片隔手視御人聞聲不相見捲地忽倒吹散爲羊角旋白日篩其上影黑如龍戰小憇沽村醪藉慰行人倦彼此更相笑鬚眉倏怪變綠竹何猗猗淇水淨於練再濯臨清流還我本來面

淇縣

列國諸侯學誰如衛武公至今難斷酒懷古欲歌風瓠子寒沙外蘇門冷翠中回頭淇上竹驅馬惜匆匆

旅夜

河轉月初斜鐙寒夜有花鄉愁常伴酒客夢不離家水認星橋穩山迷棧道遮渾忘身是我醉臥在天涯

湯陰岳忠武王廟

君相競偏安先摧大將壇但言擒虎易誰念撼山難朔馬刀頭熱南枝海上寒可憐華表鶴鄉里不重看

沙河道中

馳車沙上行朔漠莽千里歷亂踏黃雲馬蹄騰不起微聞促促聲有苦濟秋水遲重雖移時穩平略可喜衰柳挂斜陽歸鳥暮煙裏三兩見人家信宿亦如此

保定道中寄懷家兄載菴

風塵迢遞近神京剩有新詩半篋輕春柳兩行斜繞路好山無數不知名鄉園掉首遙千里骨肉關心共一生馬上離愁消未得低吟時作鷓鴣聲

楊忠愍公故里

椒山自有蚺蛇膽不作青詞慣攀檻仇鸞死後頻遷擢
狄道歸來更勇敢十罪五奸劾賊嵩齋戒三日見誠感
下筆所至風雷奮削藁欲上鬼神慘豈無泣諫引牛衣
不肯包荒恕藍臉眞宗方嫌儲貳偏欽若正挾天書詔
召問二王觸忌諱疏附張經竟決斬當其廷杖囊三木
都人見者淚相掩獄中夜半氣稍甦割腐截筋心自憺
瑣屑家事貽後人迢遞門牆告無忝公于獄中寄鄭端簡
公書猶存海鹽鄭氏
心浩氣臨刑詩從容不負七星鷹誰嘉鳴鳳救直臣但
譬養虎怵奸險可憐伏闕代死疏不得覆盆邀末減白
溝祠宇額旌忠忠魂宛在靈旗閃九原濟濟多故人夏
三言沈鍊笑相領夢裏射倒培壘樓西市依然頸血染

心知堂詩稿卷六

出棧集下

八

心知堂詩稿卷七

成都汪仲洋少海

燕臺集

起乙丑四月迄十二月京師作

與唐子范同年夜話卽以誌別

名張祿 綿竹人

落日長安相對愁風塵慘澹黑貂裘空歸竟復如蘇季
好遇都難似馬周萬里關心曾望月三年分手未登樓
同聲莫作窮途哭且趁殘宵醉一甌

與潘石甫漫話有感

名志華 揚州人

金龜換得酒千鍾五嶽峻嶒挂滿胷天下儘能猜腐鼠
古來誰解好真龍書生負氣終成困食客依人要相容
萬事不如歸去樂繞城秋水看芙蓉

過朱竹垞先生藤花書屋

望古茫茫百感隨翻然失笑我爲誰人生若夢餘陳迹
世事如棋又一時山石斷連雲氣活藤陰疎密月華知
淒涼載酒尋揚子鳥語蟲聲答問奇

寄李白華

握手當時雨未婚爲緣歸娶別齊門輕心歲月隨行篋
瞥眼風花失鼓盆不哭漸能成達化放歌纔解是銷魂
天涯惠子如相弔落葉蕭蕭滿漆園
素衣空復染緇塵萬里疲勞七尺身下第劉蕡難負氣
窮途阮籍易傷神行多悔吝思來日力忍饑寒念故人
縮地無方枉惆悵明湖煙水望中新

九日偶成

闌干十二倚周遭，冷暖重陽只絮袍。怕見青山思故國，縱無風雨不登高。

閉門人臥亂書堆，未有茱萸酒一杯。無數菊花黃欲笑，遊仙夢裏看秋回。

王春波

名霖江寧人

爲亡室朱氏繪遺照船山侍御題名

綠莊嚴清影感賦一律

秋風涼月易銷魂，淚濕青衫不鼓盆。韻太清寒花有劫，圖緣哀怨墨無痕。從教沒世隨行篋，也當他生聚故園。割肉東方前日志，那堪回首更重論。

劉芳臯比部招同蔡琨厓舍人謝如山鄒龍田明

經黃友彬孝廉集飲次日寄謝

心知堂詩稿卷七

燕臺集

二

十載秋曹未了貪，無多清俸慣畱賓。開樽尚是重陽酒，把袂都逢故里人。霜後菊花添氣韻，雨餘明月倍精神。連朝莫怪詩筒速，爲趁輕寒手不龜。

感懷

好詩無故上心來，也似閒愁撥不開。廣廈庇人原有志，綈袍加我亦須才。蒲帆十尺懷羅隱，駿骨千金愧郭隗。歸去更難畱未易，茫茫四海自低徊。

重至潞河

飛雅無數逐雲回，滾滾車塵石道開。樹色低圍城不見，軒然塔影破空來。

送別李敬亭少府之趙州

二十八星岡連綿趙郡傍雪中車軌黑沙上馬蹄黃路
較還家近心隨落葉忙漢臺高百尺回首定相望

送別李熙堂年丈

昨歲多風雨相攜出劍門依人原有骨卽事漫銷魂挫
折才因老流離氣不軒萍蹤如此幻何日共持樽
磊落看雲客蕭條折柳詩一年游子伴千里故鄉思失
意神逾王承恩事轉疑平原眞愛士去去復奚辭
客裏皆貧賤通財意有餘對牀愁夢鹿彈缺慨歌魚劫
後交情密年來世路疎念茲千里別杯酒各歛歔
別是銷魂事他鄉意倍深升沈難假手聚散苦關心懶
學鷓鴣搶羞同蟋蟀吟臨歧三大息努力結知音

心知堂詩稿卷七

燕堂集

三

悼亡

半月絲蘿唱懊儂犢車從此送行蹤初嘗別味青衫緩
欲問歸期粉淚重貧女嫁遲成戍婦諸生謀拙似流庸
無聊記指嘉陽路夢覓凌雲第幾峰

初婚半月卽
應聘之隸焉

高齋漫憶定情詩懶惰無心待問奇消夏暫停升座講
納涼偷得到家時天長駐馬爭新月路近趨程背早曦
識面未眞頻注目可憐羞不說相思

六月自
隸爲歸

蕭然襍被竟空歸燕婉無多百事違天曉券書忙乞米
夜寒刀尺待成衣雄心慰我貧非病曲喻言人瘦可肥
手種芙蓉花滿樹西風吹似落霞飛

送別李敬亭少府之趙州

二十八星岡連綿趙郡傍雪中車軌黑沙上馬蹄黃路
較還家近心墮落葉忙漢臺高百尺回首定相望

送別李熙堂年丈

昨歲多風雨相攜出劍門依人原有骨卽事漫銷魂挫
折才因老流離氣不軒萍蹤如此幻何日共持樽
磊落看雲客蕭條折柳詩一年游子伴千里故鄉思失
意神逾王承恩事轉疑平原眞愛士去去復奚辭
客裏皆貧賤通財意有餘對牀愁夢鹿彈鋏歌魚劫
後交情密年來世路疎念茲千里別杯酒各歛歔
別是銷魂事他鄉意倍深升沈難假手聚散苦關心懶
學鷓鴣搶羞同蟋蟀吟臨歧三太息努力結知音

心知堂詩稿卷七

燕堂集

三

悼亡

半月絲蘿唱懊儂犢車從此送行蹤初嘗別味青衫緩
欲問歸期粉淚重貧女嫁遲成戍婦諸生謀拙似流庸
無聊記指嘉陽路夢覓凌雲第幾峰

初婚半月卽
應聘之健爲

高齋漫憶定情詩懶惰無心待問奇消夏暫停升座講
納涼偷得到家時天長駐馬爭新月路近趨程背早曦
識面未眞頻注目可憐羞不說相思

六月自
健爲歸

蕭然襍被竟空歸燕婉無多百事違天曉券書忙乞米
夜寒刀尺待成衣雄心慰我貧非病曲喻言人瘦可肥
手種芙蓉花滿樹西風吹似落霞飛

青山四面繞平蕪小縣樓臺入畫圖千里水雲歸思澗
滿天風露客星孤非關大監常喧婦漫道羅敷自有夫
惆悵未耕田半畝居然遊食似逃租

歲晚生徒罷品題歸來依舊伴山妻終年聚散如萍水
到處流連剩雪泥蓋篋可能謀一醉牛衣難得淚雙啼

空林日在風聲裏比翼何嘗得穩棲

十二月復自樓歸

朝朝人自醉鄉回忽接微書不待催餬口有方眞磊落

飲心無術漫低徊到家剛及日初短言別可堪花欲開

門外一鞭疲馬緩征塵飛上望夫臺

甲子正月復赴越爲

桃花流水泛春人又逐東風住玉津頑僕竟成衣後影

瘦妻翻似鏡中神紛紛事變都增慨咫尺天涯不可親

心知堂詩稿卷七

燕堂集

四

時復在家時作客恍從彌勒學分身

西風鎮日捲秋雲玉井梧桐一葉聞思婦可憐疑嫁賈

秀才眞箇似從軍潮如有信來千里月本無心滿十分

看到田間人餉盂當時悔不事耕耘

八月復自樓歸

纔得歸家又出門翻因慣別不銷魂雲山未問長安路

僕馬先尋故舊恩楓葉脫時秋有迹蘆花寒到月無痕

饑驅萬里吾何恃只有談天舌莫捫

八月還家九月復之健爲

匹馬迢迢出劍關回頭爲別故鄉山心傷錦里家逾遠

路認羊腸夢好還林葉黯於遊子面澗花紅似美人顏

銷魂不待淋鈴雨一片猿愁落照間

十一月公車北上

天陰月黑叫鴟鴞膽落孤燈影動搖苦念蟬珠原是劫

驚聞雛卵竟爲妖計書千里封猶固墓草三秋色已凋
惟有弱魂能別我夢中曾不待崇朝

室人以產于前六月一日是夜京師旅邸夢

來告語相持大哭而醒至七月十三日信至始知真魂前時來別也

苦詩和淚自推敲落筆蜿蜒走黑蛟死學鰥魚思故水生憎燕雀構新巢開殘紅雨海棠瓣散盡綠煙楊柳梢
篋裏故衣前日補爲緣針綫不能拋

懸知骸骨憾天涯萬里甯聞賦楚些欲識弱魂悲故土
但看孤客痛無家秋風猛折相思樹冷雨難開稱意花
太息彎弓彈不到蟾蜍蝕盡月西斜

家素貧且以洋未歸故僅殯諸郊外

世間聞說返魂香錦水燕雲道路長日夜有心封馬鬣
風塵無計度羊腸愁來落葉都如雨望裏飛花不待霜

心知堂詩稿卷七

燕堂集

五

荷鍤未能嚴酒禁半由憔悴半佯狂

室人曾勸余節飲

輾轉終宵百感縈團圓好夢也難成悠悠總有重逢處
耿耿曾聞不廢情生慣別離人薄倖死猶流落鬼吞聲
孤棺七尺眠風雨藁葬何時得定塋

不知魂魄有無靈手寫哀文筆未停細想平時存約略
空將後事慰叮嚀他生未卜餘來夢此紙多情勝梵經
料得重泉難再讀淚花紅伴墨花青

圖成似否我先諳劫後頻將理細參底事英雄能擇婦
偏因窈窕不宜男茫茫客路畱河朔黯黯歸心赴劍南
念到夜臺消息絕無言相對更難堪

代答

自詡人間有百年匆匆未解惜當前尋常酒債賒將遍
閱歷詩情補不全夢繞夔門餘戰壘魂飛劍閣尚烽煙
將軍凱是生靈劫可忍重彈蜀國絃

咏雪與魯輿分體

名伯壽惺甫夫子之子廣東連平人

鄰雞未唱窗先明昨夜尚疑斜月晴破曉重簾纔手捲
積素倒從門裏傾空中亂落瓊瑤屑剛風翦水花無聲
青天不知何去處寒光上下相晶瑩瑞雪由來要盈尺
蝗蝻入地難飛騰但願同雲此日九州齊覆被欣看明
年萬戶都豐登

喜張岱菴夫子自山左至都

名人龍山東濮州人

善政無奇只是眞東風吹滿錦江春由來宰治兼師道
儘有門生是部民五袴歌聲雷後世三刀夢兆記前身
何堪九陌飛塵裏同作長安索米人

心知堂詩稿卷七

燕臺集

六

商量舊業博公卿已是金門兩度行小草有心甘剝落
春風何意苦生成憐才本是關眞性補過無因得令名
愁絕客鄉花外鳥聽來都似子規聲

大風戲作

飄空颯颯沙如雨黑夜鬼妖相對語一片潮聲天上來
銀河破壞落平楚凄然屋際千鴉鳴怪絕庭中萬馬舞
江干十月似聞雷塞下三時多嘯虎當面忽驚山影搖
四散雲煙飛縷縷風兮風兮吾不願西極之西登崑崙
亦不願東極之東超滄溟安能一夕冷然送我竟歸去

八十四盤栽眉頂上摩羣星

將之白泉口占

梅花預放隔年春
匹馬還衝陌路塵
客裏出門殊磊落
不須回首別家人

涑水

清溪流水自潺潺
小縣民家屋數間
我當看詩人當畫
夕陽紅透一痕山

易州

風寒壯士辭燕市
日暮秦兵渡易河
事不萬全亡可待
休將劍術惜荆軻

白泉卽事

僧起客初睡
客醒僧不知
一聲鐘起處
千里夢還時

龍口山日與顏樹厓參軍飲酒有作

百尺如登避債臺
心空一鏡絕塵埃
山搖暖翠日初出
樹散寒煙風乍來
酒政不容輕恕宥
詩牌無事費低徊
高談未欲言歸去
可奈鐘聲夜半催

心知堂詩稿卷八

成都汪仲洋少海

易水集

起丙寅正月迄七月易州作

二歲日顏惺甫夫子

名檢廣東連平人

偕樹厓年丈暨魯輿

秩颯兄弟息廬飲酒用東坡陶驥子駿佚老堂

韻成詩見示依次奉和

秩帆名以昭從子受業

今日昨不知明日可依舊人生行樂耳肯待花開後俯

仰天地寬何妨室如斗閉門相和酬弟兄亦賢友本無

愁可澆况有一杯酒笑謂陶淵明許予同調否

掃地惜春草開軒招白雲白雲飛不去伴我山中人何

用拂紈扇怕染元規塵舊德懷明發清風貽子孫未飲

心先酣漉藉頭上巾時復北窗臥居然太古民

心知堂詩稿卷八

易水集

一

附原作

東坡老而愚當時稱耆舊樂天存其真欲追淵明後

我亦疎且癡情不戀升斗琴書以消憂直與古為友

座聯同心人杯盡春釀酒醉矣聊復眠明日復飲否

居近龍口山山中歸白雲白雲自來去期我作主人

春風亦徐至清絕無纖塵俯觴有筍蕨譁飲偕兒孫

掉頭不復顧餘瀝沾衣襟息廬我且息悠然無懷民

十五夜望月與魯輿分韻得上字

有情天更春無恨月初望長風吹白雲相與騰空曠圓

靈鑄水鏡憑何肇意匠清光不盈掬江海足磨盪蟾蜍

幾回蝕三五得無恙我欲語姮娥莫照空林上空林孤
雁棲中宵正惆悵

游興隆寺和惺甫夫子用孟襄陽聞符公蘭若幽
甚與薛八同往原韻

咫尺不同居春風綠原野望衡而對宇兩兩皆蘭若時

攜家寓白泉開聖廟後洋與魯
輿讀書興隆寺內相去殆里許逍遙時往還策杖如策馬借問

此何人采藥鹿門者科頭不冠帶說道長松下心性本
空明一切云何捨俯仰識無始愈笑外來假長嘯答白
雲閒身各瀟灑昨日未嘗非今日真是也

附原作

精舍瞰危峰晴窗俯綠野虛濤有松聲清梵聞般若

心知堂詩稿卷八 易水集

二

寺古落蘚苔境幽無車馬撫几揮瑤琴誰是知音者
高山流水心企懷千年下妙義欲與參浮名頗能捨
來結清淨緣始知色聲假君身餐煙霞子情亦瀟灑
寤歌空山中簞瓢晏如也

昨和游興隆寺詩有春風綠原野之句惺甫夫子
嘉賞卽用爲韻成詩五首見示依次奉答

蕭然摩倦眼衣暖始知春寺古雲爲壁山空鳥是隣到
來忘世味都喜是閑人剩有耽吟癖幽懷日苦辛

不緣真意足安識外來空要識衝寒雁還爲避熱鴻冥
冥雲裏路蕭蕭羽邊風應否回頭笑銜蘆憶客中

安貧守奇節敦古挽頽俗亦頗嘆艱貞殊難擺拘束好

花皆忘春流水不知綠有璞無須獻何嫌中是玉
琴傳絃指外此調妙難論亦有結廬處而無車馬喧草
光搖藥院山勢赴柴門話到夕陽下輕煙生古原
人憂原憲貧師愛仲由野山石露稜角河流漫傾瀉才
偏與世疎過竟何時寡把臂有同心相將求道者

謂曾與

附原作

草木共含新空門亦有春與君同永日喜我作閒人
古刹堪容膝青山好結隣回頭思往事卅載說艱辛
身世皆如夢參禪可悟空心情託雲水蹤跡付泥鴻
試望嶺頭月還吟松下風時光頻過眼都在色聲中
山鳥若相親山僧亦不俗非耽巖谷棲且脫羶羈束

心知堂詩稿卷八

易木集

三

出岫白雲還滿窗春草綠精廬幽以深中有人如玉
一室擁琴樽襟期可共論雲深苔徑滑林靜雀聲喧
但有雞啼午而無客到門登臨饒逸興迤邐上高原
斜陽依遠山清景眺春野濤從松半來泉在琴中瀉
談妙宗旨多境高塵容寡此間是桃源笑誰問津者

賦寄朱炳西外舅

名奎四川成都人

生兒勿爲榮生女勿爲慙衣褐及衣裳兒女兩相乳願
女作人母願兒作人父擇婦與擇夫兒女兩同撫女是
室中賓兒是身後主愛女翻成愁憐兒亦或怒女嫁不
還家兒娶不出戶望兒意原長念女情倍苦兒亦何所
生女亦何所舉倉皇弄孫心得一可歡舞兒半胡然病

女半胡然天^叶偏仄垂暮年無端添淚雨區區方寸間酸
辛悲萬古俯仰省生平事可對天數報復竟如斯此理
眞難語夜深燈影青夢遍小兒女

雜感

春暉如永託誰解少人憐一片麻衣淚垂今二十年

先

父母以丙午
丁未相繼歿

鋤來封墓土補到望雲天地下多兒婦依親

比我賢

嫂氏林歿于乙巳
室氏朱歿于乙丑

少小無依日饑寒只問兄邇來三十載心跡兩相明夢
裏生春草庭前護紫荆不應千里外流落異平生

性命相依處淒然兩弟昆陳情思辨枉負罪冀全恩天
遠晦行迹夜寒空淚痕願將棠棣樹歸種鶴鴿原

心知堂詩稿卷八

易水集

四

望眼穿雲漢書來怕啟緘死亡原見憫貧賤易招讒貝
錦時還織青蠅老更讒何時秋水落讓出石嶺嶺

盡夜空尋夢無家遠寄書不知三尺土春草綠何如月
落孤魂出山空野祭疏傷心狐與兔誰肯爲驅除

屈原雖有姊殷浩尚無甥食苦心成慣多憂氣更平思
親常惻惻戒弟太錚錚白髮哀離別前年送我情

尚憶從遊訓難回過眼春頑金孤冶氏朽木負雕人落
魄猶餘傲危心不在貧三山瀛海隔何日御飈輪

事過纔知悔回頭補已難中年仍故我萬里又長安筆
意因春瘦書聲變夜寒不知鑪火裏九轉可成丹

洪肇東茂才

嘉春

成都人於武林爲製桃花潭水

主人之筆先並手札見寄旋復郵問及之賦此
志感

後緘忽比前緘疾萬里得書如得筆前緘更比後緘新
一朝見筆如見人雞距鼠鬚何足惜遠自江南寄燕北
蠅頭小字青鏤管當時况是親題墨回首含毫低首吟
落紙忽作春蠶聲東風亂送桃花雨不見故園空復情
情欲絕歌初苦走上金臺望平楚離寄餘一身形影迭
賓主篋裏中書心事違及鋒而試不如歸

山夜獨坐

空山春夜裏獨坐忘移時簾月通書案瓶花落硯池香
能浮裊裊影竟走絲絲一片淒清意無人祇自知

和魯輿送春

君言人送春我言春送人不見古時人曾憐今日春黃
金高北斗難買百年身相持一杯酒縱浪兩齊民得過
不空過庶幾葆天真

奉和惺甫夫子晚步溪邊觀漁原韻

落日滿溪晴漁歌時一聲沙痕隨水没山勢趁人行未
到臨江處先深結網情使君聊示意魴鱖不須驚

奉和惺甫夫子見題臥遊山房原韻

亂山如瘦龍飛身出雲半怪我乘風來矯首雲外看流
泉濺浪花藉作驪珠玩中有維摩室圓光啟暮且於茲
相憩留禪榻雜書案得酒坐娛日不惜金貂換杖履話

生平低頭付一歎幽人忘時序何必問懸炭

附原作

一山插雲出寺在山之半衆山環寺來山在寺中看

中有幽人居

卽少海孝廉讀書處

臥游供清玩山色分晴陰雲容

幻昏且松柏蔭軒窗煙霞入几案開襟清風俱倚檻

啼鳥換讀書還鼓琴一唱復三歎悠然恬澹懷此間

無冰炭

臥遊山房和惺甫夫子見示原韻

一雨衆山碧嵐氣侵裾涼坐見門前水來往人褰裳迴
風淒以動草木生清香卽此暢懷抱浩歌天宇蒼

附原作

心知堂詩稿卷八

易水集

六

澹雲散微雨高寺生新涼披懷對君語清風吹我裳
樹靜飛鳥下窗虛野花香禪扉無塵盪但見青山蒼

壽惺甫夫子五十

脫却朝衫著布衣欣然對客數畧圍無心出岫雲還入
有力培風鳥再飛盡道愛蓮新著說誰能御肉舊知非
他時弟子如今日更爲先生頌古稀

雨後聞蟬和惺甫夫子原韻

欲雨風先作山腰雲亂生旣雨雲未散山頂日先晴空
林瀆餘滴隔簾時一聲不知何處蟬入耳偏淒清與秋
相終始慣作不平鳴承蜩亦有道病僂遺世情

賦呈惺甫夫子一首

瞿塘破浪走棧道連雲行山水有奇氣寸心相與爭當時記所過往往往抒性靈信筆逞豪快殊非正始聲海上遇夫子劇來移我情絃外有餘韻妙處人不驚一唱而三歎泠泠天地清由來太古懷萬事歸和平願念斂馳驚庶幾葆令名

次韻惺甫夫子見示一首

漫數落花落遙看飛鳥飛詩多難入選客久不思歸薄命名心澹中年酒力微憶從操几杖狂簡漸知非

惺甫夫子招食苦瓜並示以詩感賦

西南金火墟食物多辛苦抱甕而荷鋤當時有瓜圃綿綿長蔓縈點點素華吐半架疎陰中玲瓏日如雨炎歊五六月摘食佐雞黍徑尺潤濃綠非瓠亦非芋上有離離珠大小紛難數至味不娛口清香自太古飽嚼宜幽人秋風生肺腑

心情本澹泊嗜好皆尋常河朔得鉤瓢良如歸故鄉煎煩活火細煮用流泉香舉筋未及下雨眼生清光薄飲佐樽酒微吟成短章詩若古琴曲酒如寒玉漿與瓜爲三絕厥味同一長總在酸醎外由人深淺嘗

惺甫夫子見題易水集次韻答謝

蜀客遠自裁眉來兩脚踏亂浮雲堆陳倉道口忽平地中原萬里低黃埃長安索米非得已疲驢破帽相嘲詈筆陣排成入矮屋揮毫力與千人偕古調獨彈韻彌遠

急絃催鼓音難諧屏棄不入鈞天樂空然淚下雍門哀
西風打面塵幾寸無顏更上黃金臺欲學狗屠屠狗去
當筵擊筑銷壯懷青山飛翠入城市隱隱招我堯芒屨
遂遇仙人白鹿背石乳釀酒傾樽羸虬松古柏溜煙雨
驚心認似黃花槐低頭太息遺身世間雲恣意畱山隈
時從蒲團聞妙諦隨風咳唾皆瓊瑰授受長生總夙分
追隨不死真同儕英雄解脫類無用刀環劍匣生莓苔
磐澗嘯歌各有得喁于唱和斜陽開公如澄江澈底見
秋色一碧萬頃流潏潏我如溝澮皆盈勢易涸方當雨
集轟成雷就下性同兩相合清濁大小誰疑猜奔騰疑
有蛟龍搏澹定渾忘霖雨材我行未得望洋歎公行已

心知堂詩稿卷八

易大集

八

自輸海回六斗泥沙四斗水此事淘汰公何裁

張船山待御

諱問陶四
川遂寧人

惠寄使面上畫牡丹一朶并

繫以詩次韻答謝

齊紉妙製無雙譜小扇香開第一枝聊藉好花傳氣韻
偶從佳句見丰姿名成絕代防人妬色縱傾城願自知
我是芙蓉江上樹春風廿四苦參差

次韻惺甫夫子見贈二首

笠屐人忘前節度丹鉛我仰大宗師良惟古法才經世
詎有名卿不解詩一卷手持消永日廿年心瘁佐明時
由來進退無慚甚莫怪酣歌樂未移

空山茅屋互爲隣一日歌詞一日新疎雨有無皆節奏

片雲舒卷亦精神，憑心自願堪傳道。藉手何能作替人，回首邇來差共信。漸消豪氣欲歸真。

附原作

蕭然笠屐樂栖遲，竟是枯禪一退師。我輩讀書原曉事，古人餘藝亦工詩。閒鷗野鷺無猜意，流水高山有會時。寸管自持還自笑，少年結習未能移。偶託精廬結近鄰，佳章惠我擘箋新。山中風雨欣相共，筆下煙雲若有神。回首寧多如意事，知君終是出頭人。他年勉立千秋業，始信論交氣誼真。

寄懷張船山侍御

頻將尺素問如何，瞥眼懷人半載過。酒禁未妨寬太白，

心知堂詩稿卷八 易水集

九

詩名誰解累東坡，官躋亞相依然冷。諫切明時不在多，莫便看雲勞遠夢。春暉無恙照岷峩。

奉答惺甫夫子六言四章

笑我學從夫子源，流變易非同閒。若輕鴻戲水快如怒，馬奔風

胸中怪石交撐紙，上驚濤亂瀉如何出。峽詩成不似聽猿淚下

非云筆可如刀，總爲山能似劍。千年意匠爭奇，一樣鋒鏘不斂。

歲月回頭易負山川，到眼難忘寫到夔門。劍閣時時如在家鄉。

往時下峽出棧二集多有未備今年逐一補吟之

感逝

歡娛在往日夢裏翻相忘生死及茲異圃其來夢鄉悽
然萬事理變易紛茫茫我昔亦非有君今原未亡如何
一寸心耿耿殊蒙莊摩挲孤琴在上有古錦囊已字迴
文織長畱機杼香從今鼓別鶴不復彈求凰

寄懷劉芳臯比部

名澤四川
溫江人

年華回首太匆忙握別頻驚兩鬢霜幾日春風鬪紅白
將秋木葉變青蒼論交自要憑眞性解事無須盡熱腸
食客君家原不斷當筵少却次公狂

送別惺甫夫子奉

詔赴南河辦工

行旌計日渡淮流我亦飛心到蔡州萍水雪泥空念別

心知堂詩稿卷八

易水集

十一

東西南北愧從遊依然食客畱門下轉送先生走道周
此去小山叢桂裏因風爲寫一枝秋

見玉簪花菱感賦

一朵天然白玉簪亭亭季女小牕陰生原解語惟緘口
死爲多愁不展心倩影可憐隨月沒離魂無奈到秋深
回頭抱甕疎防護枉向斜陽淚滿襟

三春錯却惜卿卿冷雨斜風過一生惟有夢魂偕我老
更誰丰韻似君清天孫解脫餘金釧月姊飄零返玉京
寄語故園諸舊識落花無主最關情

劫火吹空墮赤鳶好花誰與駐華年莊嚴淨相原宜佛
綽約清姿太近仙多爲有情生此世不應無故斷前緣

一莖更共何人賞滿院秋蟲總悵然
羞他桃李鬪春紅綺袂青裙一昨逢纔愜性情天便妬
不隨流俗世難容惺忪雪魄應憐我憔悴風鬟最懊儂
未卜葬花歸有日殘香可許手親封

易水行

燕南垂趙北際中央不合大如礪時清誰人肯避世朝
來拄杖五華樓醉眼橫吞天地秋但見一片蘆花外無
情易水蕭蕭流易水流不已悲歌聲欲起黃金不鑄望
諸君白衣空傳燕太子燕太子送荆卿銅柱博來刀一
聲吁嗟乎死負樊將軍生負田先生

重過易州

心知堂詩稿卷八

易水集

十一

青山高下水濛濛百尺孤城殊壯哉白馬尚傳長史騎
黃金誰上古燕臺強隣不合逢袁紹得士何如自郭隗
我亦悲秋能擊筑無人屬和自低徊

重渡涑水

蘆花厚於雪西風吹不起野渡無橫舟瀉地但秋水茫
茫白何際了了清見底雲濤生馬蹄浪雨打人耳波面
雙紋痕浮車亦同軌中流四顧盼居然河伯喜吁嗟易
盈涸豈是天下美彼岸如容登回頭一綫耳

涿州懷古

異時車蓋取樓桑竟未歌風返故鄉數扼雄圖殊世祖
天教大度似高皇生兒覆蜀魂應痛垂老吞吳願未償

四十餘年綿漢祚惠陵雲樹隔華陽

心知堂詩稿卷八

易水集

十三

四十餘年綿漢祚惠陵雲樹隔華陽

心知堂詩稿卷九

成都汪仲洋少海

春明集

起丙寅八月迄己巳八月都中及保安作

落葉

夕陽滿芳樹渾如霜葉赤霜葉映明月翻疑芳樹碧
夜搖寒煙露花相激射淒然時有聲委地已如擲
同生天地間誰非秋風客未知園裏人能掃幾回
葉無聲秋氣寒木葉紛已脫縱使畱枝頭生機嗟
盡奪何殊年老人神亡皮骨活人老不復少葉落
甯再春綠葉接紅葉今人連古人由來百世下俱
是後來身

萬古無榮落泰山松柏青仙人王子晉倚樹捫天
星下

心知堂詩稿卷九 春明集

視九州裏大夢春冥冥冥冥夢不醒匆匆事多迫
秋風掃空林年命同一擲人願爲神仙樹願爲松柏

聞川西川南今年疫氣大行武狼新兵作難阻塞
棧道久不得家兄消息遙有此寄

年來烽火遙相望川西川南幸無恙貧人有子從
軍行富戶有錢助軍餉感戴百年

明聖恩各出微力不相讓如何厲鬼妬安閒兵災
不到從空掠我久不得伯氏書但願流離未死喪
吁嗟乎但願流離未死喪他時猶及淚相向

此屬曾爲王者兵衝鋒陷敵邀功名已慣殺人思
自殺持刀掠野于天刑將軍昨入函關道賊膽先
搖鼙鼓聲

三岔驛口密防竄兩角山頭高駐營楚蜀雄關扼四面
有如大釜烹鯢鯨滅此何難待朝食一箭射落蚩尤星
吁嗟乎一箭射落蚩尤星還鄉重歌棧道平

諸城單貞女八十壽詩

潔莫若瑤池冰清莫若古井水瑩然貞女心方寸亦如
此憶昔少小纔垂髻明珠一顆深閨裏不繡鴛鴦與鳳
凰愛傍紅燈看青史慷慨噓唏思古人將身自比北宮
女不字終非父母願十年乃屬隴西李青鳥初傳五色
書采絲未合長千里秋風一夜從空來庭中佳樹折連
理泣血欲絕哭聲低洗盡鉛膏屏簪珥未娶何能識夫
面已聘終須執婦禮誰云妾身未分明不可登堂拜姑

心知堂壽稿卷九 春明集

二

姊父兮母兮當憐兒勿令援刀兒斷指遂載粟主來親
迎入門一痛成婦矣蘋蘩采就羞鬼神機柏織來供甘
旨所撫逾所生是姪卽是子妾縱未亡疑已亡夫雖已
死如不死當年十八一片心今年八十八心尚爾螺髻未
改女兒粧蕭蕭白髮垂過耳吁嗟乎柏舟誓黃鵠歌此
事古來皆不磨已嫁未嫁賢孰多

得惺甫夫子書漫賦

紙上離情認墨痕江南咫尺便銷魂寧知萬里黃雲路
更要匆匆出玉門

得陳芝山夫子書

名達紀回
川金堂人

燕臺萬里隔琴臺忽見錦江雙鯉來點易毫端迴日月

談兵舌上起風雷更無腐史傳儒俠空付馮唐說將才
我是故園桃李樹直從萌蘖費栽培

東家雨園太史

名閻之浙
江錢塘人

樽前底事意低徊同是越王樓下來兩處寄家隣禹穴
一時遊客傍燕臺支流已遠偏相睦世數難詳亦可哀
欲問何年衣畫錦桃花潭水踏歌回

連朝握手語鄉關越國梁州夢錯還錦里花搖湖上月
錢塘潮湧棧中山蘇公撥棹六橋裏陸子騎驢雙劍間
願與得名如二士不須遊歷遍人寰

漫怪文章海內尊吾宗原是魯諸孫黃山與我同中葉
黑水偕君是後昆屐底槐雲秋有迹衣邊杏雨晝無痕
鴛鴦好度金鍼法莫與旁人一樣論

心知堂詩稿卷九

春明集

三

故鄉消息聽難真劍外爭傳戰鼓新
穉穰無依慚下第
干戈未執負成人防秋欲擬安邊策
過夏空爲入幕賓
不識西川韋節度可教歸作太平民

趙北口

十二朵虹飛入水萬頃琉璃煙不起
風帆一葉翦波過
人家墟里在舟底此水從何來河隄今歲開
此水從何去海口去年淤居民娛樂不
容嗟稻梁漂沒餐魚蝦

白溝河懷古

白溝輕割似鴻溝不取燕雲十六州
誰信北征揮玉斧
已教南渡棄金甌陳橋有變孤兒泣
澗水無情寡婦愁

看到覆亡同一轍始知開國要全謀

咏劍

繞指柔須百鍊剛夜深誰令露光芒纔從季札除豪氣
忽爲荆軻動熱腸鍛冶不緣人可否磨礪權與世低昂
延津莫化飛龍去冷落無因七寶裝

臘月八日索粥於芳臯比部

家無二頃田慣食顏公粥見客呼雙弓終年不鼓腹欣
逢浴佛時黍豆雜魚肉隔夜辦山廚清朝啜餽鬻榆錢
五味香桃花七寶熟頒惠及隣翁適口殊脫粟餘者貯
沙瓶尚可十日卜自從牛馬走風味杳難續夢裏懷故
鄉饑涎醒可掬公我同里人此情相感觸前日餽闌豬
昨日送燒鹿早知賢內君烹調擅庖屋胡不煮羅閣分
甘飽賓僕

芳臯比部邀集諸同人食粥已而主賓皆醉仍不

及食戲疊前韻

聚飲苦無名唱言食糜粥糜粥亦酒材不醉旅人腹未
若傾巨觥相將擘乾肉陶然一席上各自得天鬻爭言
白酒甘那問黃梁熟銀海未生花玉樓先掃粟大力回
陽春不用斗杓卜射覆事纔終藏鈎令重續毋戰更囂
然紛紛指可掬乾坤一蝸角今古幾蠻觸失意便驅魚
乘機先逐鹿但見玉山頽餘甘香滿屋數典而忘祖笑
殺兩家僕

東石甫

風塵流落兩長鑿一是江南一劍南豪氣未除君尚可
壯懷全減我何堪龍蛇進退思方朔齒舌剛柔憶老聃
空有俠心無俠術英雄耐可酒初酣

紀夢與魯興

一種疎狂不解愁醉眠長在酒家樓宵來好夢添詩膽
海外回頭數九州

陳鍾溪夫子以山西學政任滿還京賦呈

五年離絳帳千里想橫經得夢縈河曲飛心度井陘水
搖蘭槩綠山入馬蹄青失喜今何夕長安拜使星

室列春風座天當立雪時那堪頑弟子重侍大宗師望

心知堂詩稿卷九

春明集

五

負魚龍變心餘鳥雀癡素衣淪落久不敢化爲緇
積水由能下培風不厭高未搏羊角旋安問海門濤俠
骨緣秋勁名心藉酒豪酬恩尚無日終夜首頻搔

題惺甫夫子西行草後

是翁矍鑠據征鞍已慣馳驅不畏難諫獵馬卿非過激
罷官黃霸只緣寬龍沙有路驚心遠雪海無波照膽寒
拍遍蘆笳秋夜永孤臣垂老要加餐

黃沙白草氣蒼涼飲馬長城欲斷腸春半束裝過瀚海
月明回首憶江鄉琵琶調急人皆泣篳篥聲寒夜有霜
愧不從遊俱萬里穹廬相對話邊防

西游不肯變商聲日有新詩當紀程貢馬使來光祿塞

射鵰人住受降城周家遣戍多風雅漢室屯田用老成
聽到笛中吹折柳黃河源上望燕京

不導河源不破戎聲聲戍鼓響邊風翻因偃息成詩老
暫合類唐號醉翁客舍築時來社燕家書裁就付歸鴻
誰知兩地欣無恙萬里青山一夢通

不待提戈出玉門吟情落紙便雄渾雲黃雪窖秋鵬起
月黑榆林夜虎蹲渡海昌黎緣吏議還朝定遠埃

君思葡萄好種今須種絕塞天寒藉酒溫

鏡裏秋霜兩鬢皤當時諸老更誰過城鳴鼓角燉煌塞
草沒牛羊勑勒歌鄉思久因萸菜熟客愁應比酪酥多
田家笠屐歸來晚雨雨風風奈若何

心知堂詩稿卷九 春明集

六

得惺甫夫子見懷詩寄呈二律

匆匆祖餞不多時掉首都成萬里思未敢重談天下事
何能輕和別來詩文章到老公尤健閱歷無常我亦奇
門裏燭花門外雪愁懷惟有瓣香知

十樣蠻箋已字交新詩一一寄推敲從遊我不如唐佐
念別公猶及孟郊錦段難酬青玉案春光願度綠楊梢
懷人日有刀環想手把靈著問六爻

送別楊以庸

長安低首撫刀鐙我亦天涯人未還三十六峰青欲落
爲君從此夢黃山

驪歌淒楚問誰堪但覺旗亭酒不酣楓葉脫時秋水澗

一聲柔艣到江南

戊辰六月朔日有感

破鏡眞成恨孤琴祇自憐
羈游仍萬里死別已三年
事久心逾碎人遙夢不圓
青衫憔悴甚誰助辦裝錢

出居庸關

誰將巨掌擘鴻濛石穴纔能一騎通
隘地斜趨三輔外長城廻合萬山中
吹笳自昔愁無那飲馬何人怨未窮
不見懷柔當有道書生傳食到宣同

塞上風雲不肯銷關門啟閉在山
畧葡萄萄熟後征人醉首着肥時
戰馬驕絕域一身蘇屬國平沙萬
幕霍嫖姚將才使節俱無用四海
而今翊

聖朝

土木

一片笳聲起黑雲悍歸天意更何云
當陽不用鬚眉佐復辟仍爲傀儡君
扣馬約忘于少保奪門功念石將軍
低徊恨滿邊城路瓦礫荒涼接夕曛

沈青霞先生祠

當年被謫走邊陲小縣荒城尚有祠
國賊未除安問敵奏書難上更吟詩
奇驚末俗人思殺孝感嚴君世鮮知
白草黃沙風雨夜反騷無計活湘纍

燕然山

燕然山色鬱蒼蒼此地曾爲古戰場
班氏才華餘史筆

漢家功業半椒房邊城野草連天白塞上秋雲匝地黃
勒石不知何處去也隨炎運付滄桑

保安雜咏

邊笳聲裏夕陽低落葉成堆沒馬蹄土阜周遭圍一桁
軒轅城在坂泉西

上游分水溉平田不用龍車引急湍記得路從沙裏過
居人指點說桑乾

大唐天子記東征駐蹕青山錫好名我欲上尋劉越石
五更來此聽雞鳴

三峰翠影湧平沙筆架何如易少華神禹主名題不到
無人解道是蓮花

心知堂詩稿卷九 春明集

八

游仙夢裏少登攀倦眼摩挲夕照間兩朵白雲飛不去
大磬山與小磬山

新詩日日自吟哦到眼山川不放過九十九泉煙雨裏
何人笠屐畫東坡

李二峩招飲卽席有贈

二分明月一聲簫家住揚州廿四橋展轉有心郎不識
春風吹上美人蕉

趙菊崑招飲不往賦寄 名盛奎直隸深州人

海內論交氣誼真寒酸誰耐守頭巾非緣寡過殊前日
縱欲多情讓故人病酒偶然思斷酒傷春無奈怕尋春
桃花只隔盈盈水孤負東風不問津

秋夜東子范

詩能寫怨唱難好酒可消愁活不成秋竹一竿風悄悄
滿城明月擣衣聲

落拓人間萬事非相逢總覺素心違羽毛憔悴倦飛鳥
風雨滿林何處歸

秋夜東魯輿二首

一片梧桐月流輝照弄琴袷衣沈夜氣蟲語繞秋心此
別亦非久相思殊爲深夢魂欣不遠持以問知音
木葉脫如雨秋聲何處風遙從天地外吹落寸心中獨
夜無長夢繁星滿太空不知河漢轉引領失西東

十五夜望月寄懷故園諸子

心知堂詩稿卷九 春明集

九

懶從皇古後歷歷數虛盈明月原無恨青天最有情梧
桐秋半樹河漢夜三更不識披長髮何人正跨鯨
我欲凌空去全家住廣寒圓光開萬古只在月中看照
白夜烏項浴青東海瀾故人多不遠分影對團圓

中秋夜同魯輿對月作長句一首卽以畱別

彈指流光駒過隙五載君家作食客其間聚散紛離奇
未得相對中秋夕今年良夜君偶同明發歸期我又迫
人生歡會能幾何如此佳期不易得昨夜月漸盈前夜
月微削預擬今夜月圓如垂棘壁曉來簷雨聽蕭蕭低
空雲氣照窗黑秋聲慘澹愁殺人今夜無月眞可惜誰
知得失轉眼間陰陽九道紛闔闔有風從東北來飛

廉持扇扇入極橫吹雨脚如散絲亂捲雲頭似堆墨須
與淨掃寒空出萬里長天只一碧此時待月意徘徊走
上高樓望碣石但見雲海東復東瑞光隔水時一擊潮
聲漸高光漸滿銅鈺飛空海水立卻將大地山河影倒
攝鏡中不下擲不知望月誰欣然仰天大笑手相拍低
頭忽訝鳳城中萬瓦鱗鱗霜雪白仙乎仙乎我欲狂有
似冰壺濯魂魄忽憶來朝隨月西裁眉半輪秋悽惻未
知何時隨月東與君重上樓百尺

賦呈惺甫夫子十首卽用萬里真成別三年苦憶

君爲韻

鵬鳥徙南溟天風翔九萬雲路一何遙所欣羽翮健夫

心知堂詩稿卷九

春明集

十

子昔有行不作玉關怨慷慨飾車徒從容加餐飯紆途
召我來疾驅從公進擬作荷戈人禦侮列行陣擬作記
室賓參謀備問訊公曰俱無庸是非予所願

所願夫如何事有大於此家無應門童親眷寄燕市行
無百日糧佳兒在攜李兒婚有成議諷吉恐中止家計
無長物養生何所恃願子勸兒婚螢雪習書史願子代
家謀簞瓢安菽水再拜領公言低頭淚如雨

淚雨忽霑臆酸楚難重陳自我走京洛骯髒惟一巾衆
人惡疎放公獨愛其真熱血澆肝膽士爲知己親不覺
縱橫氣黯然多苦辛驪歌數聲動愁絕車麟麟臨歧一
分手遂作天涯人此心同周道懸轆轤碾雙輪

車輪碾方寸時時從公行玉門一迴首蒼蒼煙樹橫吹
笳啟關出但見黃雲平曠絕少人迹欣然聞鳥聲天山
雪積就瀚海沙生成歷盡奇險地吟成邊塞聲當公到
戍時我亦魂夢更形骸隔萬里晤對如生平

平生無所好俯仰自怡悅秀色離風塵清懷合冰雪少
小多艱虞中年更蹉跌椎牛祭未能望雲自鳴咽曲慰
勞師心訓言記臨別毋因垂翅墮羽毛日摧折毋因點
額歸鱗甲日壞裂銘心永不忘珍重生花筆

謂魯

把臂弄青

藍對案蘸秋水分聲走春蠶誰能骨通靈造化一腕擔
書罷一長嘯心與羲獻參落日登高望西山飛紫嵐屈

心知堂詩稿卷九 春明集

十一

指別來日更番歲易三

三歲千支換計日惟兩年馬頭數明月二十四回圓舉

朝誰爲請

聖心自拳拳持節付羽林萬里召公還玉門快生入淮
海佐防川

帝曰咨羣牧食迺民之天太倉苦紅朽肖職人良難更
頌五色詔命公來幽燕

公來不俟駕樓船發清浦船頭拽長縵船尾繫大鼓船
罾挂滿帆赴闕如風雨我出春明門牙公路河渚心準
疇昔顏未知老幾許鬢戟雪星星鬢絲霜縷縷矢聲雜
笑啼撫念回甘苦彈指一夢間變幻紛難數

人生一大夢勞勞何時息來者殊未知去者不須憶澹
泊成功名艱虞積道德鼎鼎百年內但期中有得我欲
長追隨自東西南北庶幾略成就不負生理直及身多
未了憂患苦相逼傷哉我眉山化作望夫石
我眉如美人羣腰五色雲未有胭脂井起作桃花墳東
坡因通義迺聘同安君姊死而妹繼多情思古人相如
家成都四壁皆風塵不歸心滋戚欲歸心如焚解囊資
葬妻此恩生死均無以報知己長言抒性真

心知堂詩稿卷九 春明集

